

# Зурагъан — болзгаснь урд

Долан джилин зураг ахр болзгт күүцэлгнэ социалистическ дорлданд Элст балгьсна «1-е Мая» артелин коллектив орлцдж, Алдр Октябрин 42 джилин бөн күртл джилэ зурагъан күүцэх даалгъвр эн джилин эклцар авла. Теднэ джилэ зурань — 1900 миньгън арслыга хувц-хуыр уйх болн нань чиги кōдлмш күүцэлгн мōн.

«Келсән күүцэ, кōссән күүц!» гидг үг артелин кōдлмшч болгъна зүркнд хадгдв. Артелин партийн организац социалистическ дорлдэг гарддж, бүрдәмджин, олна политическ, цәәлгъврин кōдлмшиг коллектив дундан делгрүлдж, партин XXI хургин тууджлгч шиндврмүдиг күй болгънд күргдж келәд, долан джилин зуран түүрүн джилд күүч-кōлснә агъу ик күүцмже делдгънүр кōдлмшчнриг агсв. Коммунистр, комсомольцир, эврәннь кōдлмшәрн үлгүр болдж, өдр болгън даалгъвран күүцэлгнә эв-аргъ олдж, орн-нутгин нүүрлгч, производственикүдин үнтә дамшлтс кōдлмштән олзлдж, шунмгъагъар кōдлцхәв.

Социалистическ даалгъвран үзмджтәгъар күүцәхин кергт цех, кōдлмшч болгъна өдртән, сардан күүцәх кōдлмшин кемджәгъинь цәәлгъдж өгәд, социалистическ дорлдәнә ашинь сар болгън дигләд, шундж кōдлсәнннь урмдинь өргәд, хуурмгсннь бригадин, цехин хургт ичәгъәд, кōдлмшин сүргүд учрсн дуту-дундсиг цаглань кагълад, производствин күүчн-чидлннь чикәр олзлгъна эв-аргъ өдр болгън хәәдж, кōдлмшин күүцмдже бүрдәлгънүр коллективиг партийн организац агсв.

Урднй артельд, өдрә даалгъвран коллективин өрәлнй әрә гидж күүцәлг, наадкәннь күүцәдж чадгө бәәсн болхла, ода даалгъвран давулдж күүцәдг әмтс йир олт. Үлгүрннь: хувц йдг цехд 38 күйн кōдлджәнә, теднә 18-нй әрә гидж өдрә зурагъан күүцәдг билә. Ода тер цехд 105—110 процентәс багъар өдрә зурагъан күүцәдг күйн уга, нам теднә ик зунь 150—167 процент күргдж зурагъан күүцәцхәнә.

Донченко Надежда Васильевна гардджах хувц уйдг цехин коллектив эн джилин арви сара зурагъан

133.6 процент күүцәв. Сүй сармудин эргцд Донченко цехин хувц уйачнр артелин дамдждж өгтддг Улан тугиг кōдлмшиннь айта күүцмджсәрн талдан цехд өгл уга бәрджәнә. Надежда Васильевна — производстван сәәнәр меддг, бүрдәмджин кōдлмшиг шундж күүцәдг, цехин гардач. Тер—Элст балгъсна күүч-кōлсчрин депутатирин Советин депутат. Долан джилин зура күүцәлгнә ноолданд күүч-кōлснә өбдән күүцмдж цехәри делддж, социалистическ дорлдәнд нүүрлгч орм эзлсн цехин гардач Надежда Васильевна Донченког артелин коммунистр эврәннь хургтан нег дуугъар Коммунистическ партин членә кандидат орулдж авб. Тер цуцрлт угагъар кōдлдг агитатор, өдр болгън газет, журнал умшал, эврәннь коллективдән цәәлгъврән боли олна политическ кōдлмшиг үлгүрлмәр кенә.

Алдр Октябрин 42 джилин бөн тосдж делгрсн социалистическ дорлдәнд орлцад, шундж кōдләд, октябрь сарин зурагъан хувц уйачнр Ворожбитова Раиса—167 процент, Саликтаева Вера—163 процент, нань чиги кесг олт кōдлчнр зурагъан давулдж күүцәцхәв.

Коммунистическ партин члена кандидат Павлова Анна Ивановна гардджах цехд 8 уйачнр кōдлджәнә. Тер цехин коллектив сар болгън күүс-дундур зура күүцәнә, коммунистическ күүч-кōлснә бригадин нер зүүхин төлә тедн шунджацхана.

Нина Манджиевна Боваеван гардджах бригадин хувц-уйачнр социалистическ дорлдәнә нүүрлгч орм бас эздлжәнә, тедн эн джилин арви сарин зурагъан 150 процент күүцәв. Артелин коммунистр Нина Манджиевна партин членә кандидат бас орулдж авцхав.

Орн-нутгин нүүрлгч кōдлчнрин үзмджтә эклцсиг дөннндж, үүрмүдтән үлгүр болмар кōдлдг әмтс артельд бәәнә. Вознесенск селәнд бәәх хувц уйдг артелин цех зурагъан даньгин күүцәдгө билә. Тиигәрән дамшлтта мастер йовулхар артелин правлень шиндв.

—Мана артель зурагъан гүртмдән күүцәнә, зуг мадн дунд зурагъан

күүцәдгө цех бас бәәнә, үлгүрннь, хувц уйлгъна Вознесенск цех зурагъан даньгин күүцәхш, тегәд тедн артелин цуг коллективиг хооран татджана. Цех, кōдлмшч болгън зурагъан давулдж күүцәхми гидж бидн даалгъвр авсн биший, тер цехиг кадрар батракла, кōдлмшин күүцврннь өбдлхми,—гидж партбюрон селләтр Шманцарь Антонина Ивановна келәд, тиигәрән оч кōдлх күй бәәнйү гисн хәләцәр хургт орлцачнрур ширтдк хәләв.

Хувц ишкәч, партин членә кандидатд әнджл орулгддж авгдсн, Барашкина Екатерина Бадминовна үг келх зөвшәл авад,—кемрджән тер кōдлмшиг нанд даалгъхлатн, би оч кōдлнәв, цех зурагъан күүцәх,—гидж келв.

—Екатерина тиигәрән оч кōдлхлә, хувц ишкәч угагъар бидн яхмб?—гидж терүнә келсиг зәрмәннь бурушав.

—Балгъснд хувц ишкәч олдх, намаг йовултн,—гидж Барашкина дакн келв.

Валентина Гаганован үлгүрәр, Екатерина Бадминовна, кōдлмшәрн ард үлддг йовсн цехд оч кōдлв. Ода тер цех зурагъан өдр болгън давулдж күүцәнә.

Артелин коммунистр эгл әмтс үлгүр болдж кōдлсн учрар, эн джилин 10 сарин эргцд, джилә зурагъан 147.8 процент артель күүцәв, әс гидж 446.3 миньгън арслыга продукц джилин зура деерән немдж гаргъв.

Джилә зурагъарн артель 270 миньгън арслыга цевр ору авх зөвтә, эн джилин ноябрин 1 шинд 500 миньгън арслыга цевр ору тедн авб.

Нарт делжәд төвкнүн джиргъл делдин төлә ноолддж йовх Коммунистическ партдан боли Советск правительствдән ханлт өргдж, орн-нутгин олт келн әмтсин бәәдл-джиргълдиг улм сәәхрүлдж, үсәдәд угагъар өбдлүлгч төр хагълх КПСС-н боли Пленумиг күүч-кōлснә улм ик күүцмджсәр тосхин кергт, джил чилтә кесг зуугъад миньгън арслыга продукт гаргъхар «1 Мая» артелин коллектив улм уралан шунджана.

**БОСХОМДЖИН Д.**